

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-23-1935/09

Datum, 19.05.2009.godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 10.tematskoj sjednici od 19.05.2009.godine, razmatralo je Informacija o stanju i problemima prikupljanja, odvoza i odlaganja otpada na području općine Zavidovići, pa nakon rasprave donijelo je

ZAKLJUČAK

I

1. Općinsko vijeće Zavidovići izražava opredjeljenost i posvećenost sveobuhvatnom rješavanju pitanja prikupljanja, odvoza i odlaganja otpada na području općine Zavidovići.

2. Nastaviti, intenzivirati i ubrzati, aktivnosti na organizovanom prikupljanju, odvozu i deponovanju otpada sa vanurbanog područja općine Zavidovići, a posebno u onim mjesnim zajednicama koje nemaju dosada organizovano prikupljanje i zbrinjavanje otpada.

O učinjenom izvijestiti Općinsko vijeće na jednoj od narednih sjednica, a najdalje do 30.09.2009.godine.

3. Preduzimati aktivnosti na organizovanju selekcionisanog prikupljanja otpada, u skladu sa raspoloživim sredstvima.

4. Nastaviti zbrinjavanje otpada odvozom kontejnera za deponovanje otpada sa lokaliteta vanurbanog područja uz rijeku Krivaja i Gostović, sa tendencijom da se takva praksa proširi i na druga područja uz regulisanje plaćanja naknada za odvoz otpada i zbrinjavanje istog otpada na deponiji.

5. U cilju rješavanja problema gradske deponije „Ekonomija“ uspostaviti kontakt sa susjednim općinama i Privrednim društvom „Regionalnom deponijom Mošćanica“, pokušati riješiti problem izgradnje pretovarne – transfer stanice, zajedno sa susjednim općinama.

6. U cilju zaštite i unapređenja životne okoline intenzivirati rad komunalne inspekcije i eko policije, posebno u primjeni preventivnih i represivnih mjera koje su u njihovoj nadležnosti..

7. Komunalnu higijenu na urbanom području općine podići na viši nivo, prvenstveno blagovremenim čišćenjem javnih površina, pranjem ulica i odvozom otpada.

8. Tokom ove godine iz namjenskih sredstava za zaštitu životne sredine kao i drugih potencijalnih izvora, obezbijediti nabavku maksimalno mogućeg broja kontejnera i njihovo postavljanje na lokalitetu u vangradskim područjima koja trenutno nisu obuhvaćena prikupljanjem i ovozom otpada.

9. JKP „Radnik“ d.o.o. Zavidovići je dužan deponiju „Ekonomija“ zastirati inertnim materijalom jedamput mjesečno na cijelu površinu aktivnog deponovanja otpada.

10. Edukacijski djelovati na građane putem medija, udruženja građana i u školama.

11. Općinsko vijeće Zavidovići imenuje Radnu grupu za izradu Plana i programa integralnog upravljanja otpadom u općini Zavidovići, koju čini: Hakija Osmić, općinski načelnik, Džeraldina Miličević pomoćnik općinskog načelnika, Zijad Džaferović direktor JKP „Radnik“ d.o.o. Zavidovići, Emir Zukić direktor Privrednog društva „Regionalna deponija Mošćanica“ Zenica, Redžić Ismet vijećnik, Kaknjašević Ferid vijećnik, Vuković Senad vijećnik.

Rok za izradu Plana i programa integralnog upravljanja otpadom u općini Zavidovići je 30.09.2009. godine.

II

Zaključak stupa na snagu danom donošenja, a o njegovoj realizaciji starat će se Kabinet Općinskog načelnika Zavidovići i JKP „Radnik“ d.o.o. Zavidovići.

PREDSJEDAVAJUĆI
OPĆINSKOG VIJEĆA

ing. Radosav Petrović